

- SIRIZYA -

Ouh Sirizya Ouh Sirizya

*Adan dé zîé-w mwen dékouvé péyi,
An tout ti pa-w mwen divinen lanmè.
Andidan bra-w mwen ritounen latè,
Asou lapo-w mwen dispozé zètival.*

*Lantouïw, mwen sispann van souflé; an kò-w mwen menyen lenfini.
Dan vwa-w mwen kouté Niagara; kotéw, ni lonbraj, ni loubli .
Douvaníw tout mòn ka pran koullis; dèyèw, lanmò ka babiyé,
Lanmen-w ka raché labitid, dézi-w ka désinen lavi.*

Refrain :

*Sirizya Sirizya Wo Wo (x 4)
(- Dé ren-w sé lorizon plézi
- An pié-w desten chayé chimen
- An kou-w tan pann dé landemen)*

*Tout an fon tjè-w mwen wè lespwa grandi,
Anmitan fwon-w mwen maré komet-mwen.
Épi tout san-w mwen vlopé tout maji,
An sel souri-w limen léternité.*

*Èchéw, mwen brilé kon sèbi; touvéw, mwen tann log dan chapel.
Épiw, ti manmay ka chanté; dan flè-w; mwen pézé pwa lanvi.
Douvaníw tout mòn ka pran koullis; dèyèw, lanmò ka babiyé,
Lanmen-w ka raché labitid, dézi-w ka désinen lavi.*

Refrain

(- Lanmou-w lèvé, lanmè jémi)

Ouh Sirizya Ouh Sirizya

Refrain (Ad Lib)

*(- Rev-ou rijwenn dèt galaksi
- An dra-w tout miel aprann dousi
- Bézé-w sé sik pou koulibri)*